

當陽縣志卷一

方輿志上

星野

史記天官書翼軫荊州舉全楚也晉書天文志南郡入翼十度江夏入翼十二度則皆楚之北也當陽一邑耳非星野所專屬詹詹援引奚爲者然自邑而積之邑積爲郡郡積爲行省得爲楚一也自行省而析之行省爲析郡郡析爲邑得爲楚又一也當邑密邇古荊楚於翼宿躔次爲近攷星躔每一度約二百五十里分地於楚獨不能分星於楚乎不能分星獨不能分度乎且古之封國不及百里者多矣然皆有分星以觀妖祥故裨竈梓慎子韋甘石之流得用專門著稱當邑壤地有過小諸侯者仰占躔度謹書次舍察元象以修人事又烏可少哉志星野

史記天官書辰星以其宿命國正四時仲夏夏至夕出郊東井輿鬼柳東七舍爲楚又太史公曰二十八舍主十二州斗秉兼之所從來久矣吳楚之疆候在熒惑占於烏衡

漢書地理志楚地翼軫之分壘也今之南郡江夏零陵桂陽武陵長沙及漢中汝南郡盡楚分也增

晉書天文志南郡入翼十度

當陽縣志

卷之一

方輿 星野

宜昌印書館承印

唐書天文志翼軫鶉尾也自房陵而東盡漢之南郡鄖郡羅權翼與味張同象又地理志復郢襄房爲鶉尾鶉尾者象鶉鳥之尾也又謂之烏帑

星經玉衡主荊

宋志北斗第二星曰璇其分楚又太微垣上台二星一主荊揚天市垣西藩十一星南第三星爲

張衡云帝座東南一星曰司空主墳星楚分

按分野之說防自帝王世紀左氏以日食星孛占列國之變漢志尤詳以戰國十二屬牛女十二星七雄屬斗七星五車五星而天市垣二十二星又雜有所屬晉天文志出李淳風詳於天而不知地唐十道志出梁載言詳於地而略於天鄭樵取天竺說華夏僅占牛女下十二國而規外分壘華夏所不見利瑪竇言天九重日月五星各居一重廿八宿在第二重地五大洲中國在五大洲中百分之一其說又荒唐無所究竟旨哉明王禕之論分野也其言曰分野視分星古不謂地也地有彼此之不齊而分野在天則一定而不易分野者按列星所屬之分而言也鄭氏所謂星土星所主土是也其國在此而星則在彼彼此若不相配而其爲象未嘗不相屬非地之在北者其分野在天亦居北地之在南者分野在天亦居南也循是說也談星野者亦無所庸其附會矣



又按府志云寰海內外皆天所覆理應無私舉大地言在大地全得一天以中土爲女宿之十二國而以十六星分次就中土言則中土又全得一天以州郡爲列舍而以度數分次約之一郡一邑各有二十八舍之分野但人未能究耳今之日者亦以七政二十舍推人祿命如謂天之所覆者廣則一人之休咎何足係於天哉昔賢立法儻亦各有深旨也歟

按先儒論分野之說賈公彥謂古者分封之日歲星所在之辰僧一行謂是大地山河之首尾與雲漢之列宿升降相應二說不同其實一也公彥言其流一行則推其源而已惟大地山河首尾與雲漢旁之列宿相應故古者歲星在其地則受封雖千百世皆如是占可也

以上續修志

當陽縣志

卷之一

方輿

星野
疆域

一一

宜昌印書館承印

疆域

古者茅土受封不過百里慎固封守有定制也自分天下爲郡縣而歷代變置廣狹懸殊焉國家聲教覃敷車書混一邑之疆域似無庸深論然宣化承流責在守土百里之外不同風非偶然也當邑本潯土而西枕夷陵北跨臨沮東連鄧都南帶沱江在山水之交爲四達之地截長補短廣袤約百五十里因地制宜識者於此觀治術焉志疆域

東至荊門州之三界冢七十里至州治一百二十里西至東湖縣之土溪鋪七十里至縣治一百五十里南至枝江縣之祐春坪六十里至縣治一百八十里北至遠安縣之木瓜鋪四十里至界山六十里至縣治七十里東南至江陵縣之新埠河七十里至縣治一百五十里西南至宜都縣之三界場八十里至縣治二百一十里西北至南漳縣趙家河一百八十里至省垣水路九百五十里陸路九百里至京師水路六千一百三十里陸路三千六百八十里

總甲

邑本四十六總

舊志明初省縣入州兼有沿江馬良荆臺德化四鄉旋與荆門分壤以沿江馬良入荆門以荆臺德化屬當陽初轄三都尋分八都今爲四十六總

今分爲四十八總在城內外

曰上二三四五總在四鄉者四十三總曰瓦窑曰沙溪曰謝柏曰官壩曰脚東曰香爐曰胭脂曰土橋曰週二曰合溶曰花栗曰滋泥曰沙倒曰榴花曰魚兒曰清洋曰金沙曰深港曰紫蓋曰易家曰黑龍曰黃石曰玉泉曰大蓮曰小蓮曰尖總曰板總曰夾馬

初止尖板一總今分爲三曰普通曰章

鄉曰乾溪曰鞏河曰洪市曰清水曰苦竹曰桑林曰清溪曰鴻橋曰海堰曰漳河曰呼兒曰三洲曰黃連

市鎮

邑之鄉市曰河溶舊志作合溶在治東南五十里曰清溪治東北四十里曰化寺治東南二十里曰雙蓮寺治西南五十里曰脚東港即古葛藤在治東四十里曰觀

音寺即漳河口在治東北九十里曰胡家場治東南三十五里曰萬城治東南百二十里江陵交界曰官塢治東四十里曰半月山治南五十里曰鴉鵲嶺治西南七十里東湖宜都交界

形勝附

左傳江漢睢漳楚之望也

魏王粲登樓賦挾清漳之通浦兮倚曲沮之長洲背墳衍之廣陸兮臨皋隰之沃流

唐董挺關廟記疊嶂回擁飛泉迤邐

元徐驥明倫堂記曰西枕峽山東帶漳水

明袁昌祚四公祠記曰臂引宛洛腋控秦韓背連巴蜀膺附襄沔昔人所稱用武之地也續舊志

舊荊州府志山谷險隘沮漳流通在萬山之中為四固之地

當陽縣志

卷之一

方輿

疆域沿革

三

宜昌印書館承印

沿革

荊易為楚而地則同郢遷於鄢而名則同因時變置列國且然自分天下為郡縣而一代之興必有所改革以成一代之法史家所為詳地理一志也當陽本漢縣襟江帶漢跨有沮漳幅員之闊亦云壯哉至三國而南北分屬六朝以降或省或攝名以時殊所隸之郡不一而疆界不可勝識矣爰攷歷代廢興之由橫列而詳註之庶幾因革損益覽者監焉作沿革表

沿革表

朝代	郡所以領縣者也	州縣所改者也	縣
禹貢	荊州		
周春秋	楚國		
秦	南郡		鄧縣
漢	南郡 <small>漢初為臨江國</small>		江陵
景帝中元年	南郡		析江陵地置當陽縣
魏	南荊州 <small>治宜城襄陽間</small>		當陽
晉	武甯郡		析當陽地置長甯縣按長甯後改為長林今荊門州
	南郡		

宋 南郡

南郡

當陽

梁 梁末為西魏所逼遷都江陵

上黃郡 在今南漳別立章山郡於漢水之東

析當陽地置安居縣
析當陽地置綠林縣按綠林城在今荆門東南沙洋地

後周 隋開皇七年

荆州總管府

以當陽及編縣地置平州領漳川安遠二郡
改平州為玉州屬總管府

按漳川當在今縣治東北境內

九年

南郡

廢玉州及所領二郡

改安居縣曰昭邱縣

大業元年

南郡

置基州於長林東尋復置平州

改昭邱縣曰荆臺縣尋廢入當陽屬南郡

唐 武德四年

江陵郡

改平州為玉州

復置當陽縣屬江陵郡

五代 貞元二十一年

荆州 南平國

廢玉州

以當陽并入荆門縣

宋 開寶五年

荆門軍

荆南節度使高季昌以荆門縣為荆門軍移治當陽

復置當陽縣屬荆門軍

當陽縣志

卷之一

方輿沿革

四

宜昌印書館承印

熙甯六年

江陵府 廢荆門軍

以當陽縣為荆門縣屬江陵府

元祐三年

復於長林地置荆門軍

荆門縣屬荆門軍

紹興十四年

復州 今沔陽州地

廢荆門縣徙長林治當陽

復置當陽縣屬復州

十六年

復州

徙荆門軍治當陽

元 至元十四年

改荆門府為荆門州移治古城按古城在今州治東

仍置當陽縣屬荆門州

明 洪武初

荆州府

徙治萬城屬荆州府

十年 年未詳

荆門州

未幾仍屬荆門州

嘉靖十年

改安陸州為承天府

未幾仍置當陽縣屬荆門州

十三年

改安陸州為承天府

由萬城徙復舊治即今治地

嘉靖十年

改承天府為安復陸府

當陽縣隨荆門州隸承天府

清朝 順治元年

升荆門州為荆門直隸州

縣仍隨州隸安陸府

乾隆五十六年

升荆門州為荆門直隸州

當陽與遠安同屬荆門州

按舊志謂自萬城徙復舊治在洪武四年考祥異志及職官魏忠傳皆作洪武十三年當以十三年為是至於明初省縣入州及仍置縣復屬州年月俱未合並存之以備參考

附沿革考

邑在荆山之南南郡之北春秋時本楚境秦置郢縣屬南郡漢析江陵地別置當陽此當陽命名之始按史記項羽傳已有當陽君之稱又似為秦時所置豈秦時為邑名漢時乃以名縣歟漢時當陽并荆門地古城在今州治東州治東南有古權國城杜預左傳註謂權國在南郡當陽非今之當陽也後漢書地理志註杜預曰縣東有權城楚武王所克荊州記曰縣東南有麥城據此則縣治在麥城西北由來久矣晉隆安時析當陽地置長甯縣長甯建於東則當陽漸徙而西厥後梁析為安居隋改為昭邱其治皆在荆臺鄉地今縣治東境也北周時曾置平州隋改為玉州尋廢唐武德中復置平州改玉州繼仍以當陽名縣縣治即玉州治則玉陽山下之建治當自玉州始舊志謂玉州在古臨沮縣地按今當陽西北及遠安南漳皆古臨沮地宋開寶中復置當陽縣屬荆門軍南渡以後或改當陽為荊門或徙荊門於當陽元至元中遷州治於古城而縣治乃得仍其舊明洪武初徙治萬城尋復舊治即今治也嘉靖時縣隨本州屬承天府國朝改承天為安陸屬仍舊乾隆五十六年升荊門為直隸州領二縣當陽遂為壯縣云

當陽縣志

卷之一

方輿

沿革
事紀

五

宜昌印書館承印

事紀附

周惠王元年楚武王克權使鬬緡尹之以叛圍而殺之遷權於那處使閻敖尹之杜預注南郡編縣東南有那口城

匡王六年楚令尹越椒以若敖氏之族將攻王師於漳漳水

敬王十四年吳入郢楚子涉按即沮水伍員驢磨二城以攻麥城引沮漳以灌紀南城增

敬王三十一年楚昭救陳卒於城父葬於是邑故稱昭丘舊志

新莽地皇元年新市王匡王鳳與馬武王常共起兵於綠林山中增

漢獻帝建安十三年曹公南征劉表會表卒子琮代屯襄陽遣使請降先主在樊不知曹公卒

至至宛乃聞之遂將其衆去過襄陽荊州人多歸先主衆十餘萬日行十餘里別遣關侯乘

船數百艘使會江陵曹公以江陵有軍實恐先主據之將精騎五千急追之一日一夜行三

百餘里及於當陽之長坂先主棄妻子走趙雲身抱弱子即後主也保護甘夫人即後主母

也皆得免難張飛將二十騎拒後據水斷橋瞋目橫矛曰身是張翼德也可來共決死敵無

敢近者先主斜趣漢津適與關侯船相值共至夏口增

建安二十四年先主為漢中王拜關侯為前將軍假節鉞是歲關侯率衆攻曹仁於樊城曹公

遣于禁助仁秋大霖雨漢水汜濫禁所督七軍皆沒禁降關侯又斬將軍龐德梁郝陸渾羣

盜或遙受印號為之支黨威震華夏曹公議徙許都以避其銳遣人勸孫權躡其後許割江

南以封權又遣徐晃救曹仁關侯引軍退還權已據江陵侯至當陽衆遂散乃西保麥城權遣將邀擊於臨沮侯與子平及都督趙雲俱遇害增

後漢章武間吳伐魏當陽舊志

吳志羊祜以西陵降附自襄陽引兵向江陵欲因所過水以船運糧揚聲將破堰以通步軍陸

抗聞之使張咸急破之祜至當陽聞堰敗乃改船以車運大費功力增按此當在今荆門地

晉太康元年以平吳功封鎮南將軍荊州都督杜預爲當陽侯舊志

隆安五年以沮漳降蠻立武寧郡樂鄉長林二縣舊志

南齊書北上黃任今蠻蠻文勉德寇汝陽今遠安太守戴元賓棄城奔江陵豫章王嶷遣將劉仵緒討

之至當陽勉德降增

後晉天福初南平王高季昌開府於荊臺設貢院於軍治南按宋書高季昌於後唐同光三年封南平王治江陵至晉天福初爲南平王者高從誨乃季昌之子

也

宋咸淳末元兵襲當陽縣尉謝徽明及二子死之舊志

元至正十二年紅巾賊俞君正再陷荊門知州聶炳力戰死賊支解之葬於縣治西十五里舊志

明成化初鄖陽劉千斤石和尚李胡子後先嘯聚詔官軍擊敗之都御史原傑招集流亡八萬

五千餘人仍徙遠安數百戶以實當陽立漳河口巡檢司舊志

當陽縣志

卷之二

方輿 事紀

六

宜昌印書館承印

崇禎九年賊再入境橫尸遍野火光燭天南至江百里皆焦土舊志

崇禎十五年闖賊屯襄陽諸郡皆下邑不能支居民咸避難於江南江南旋潰轉徙而北仍匿

山谷間不能安其居舊志

崇禎十六年闖賊設僞令僞弁縣境苦之舊志

國朝順治元年甲申川賊張獻忠既陷荊州旋至夔陵分其衆掠當陽不堪其擾舊志

順治二年乙酉四月闖賊餘孽一隻虎攻邑城不下引去七月會高袁諸賊復圍之城陷殺掠

殆盡及行以丁壯繫馬前南至荊州驅之墳塚掘城皆死於城下舊志

二年冬賊張九儒入據縣城大爲民害初九儒本武弁隸左良玉麾下後叛爲賊盤踞興山一

帶四出殺掠至是因荊門進士劉延禧叩關入城籍民爲兵不從者剔筋敲骨死於炮烙民

食樹皮至人相食戶口幾絕舊志

右歷代事紀依舊志附沿革後問考正史有所補遺至歷代戰守之事在邑境有關於軍政

者另編兵事列武備門

